

SAMOA

Faatulagaina o Aiaiga

- | | |
|-------------------------------|-------------------------------|
| 1. Igoa puupuu ma le amataga | 4. Aafiaga i totogi ma alauni |
| 2. Faamatalaina o uiga o upu | 5. Mea e lē aofia ai |
| 3. Fetuunaiga o taimi i le ao | 6. E lē noatia le Malo |

2009, Nu. 14**O SE TULAFONO e aiaia ai le fetuunaiga o taimi i le ao.***[1 Setema 2009]*

UA FAIA e le Fono Aoao Faitulafono a Samoa i totonu o le Palemene ua potopoto e faapea:

1. Igoa puupuu ma le amataga-(1) E mafai ona taua lenei Tulafono o le Tulafono o le Fetuunaiga o Taimi i le Ao 2009.

(2) O lenei Tulafono e amata faamamaluina i se aso ua filifilia e le Minisita o Pisinisi, Alamanuia ma Leipa.

2. Faamatalaina o uiga o upu - I totonu o lenei Tulafono, ae vagana ai ua manaomia e le mataupu se isi uiga e ese ai:

“vaitaimi o le fetuunaiga o taimi i le ao” o lona uiga o se vaitaimi ua faaalua manino e le Poloaiga i lalo o le fuaiupu 3(1)(a);

“taimi o le fetuunaiga o taimi i le ao” o lona uiga o le taimi ua faamaoti mai i totonu o le fuaiupu 3(2);

“taimi aloaia e masani ai” o lona uiga o le taimi o le la i le 165 tikeri o le logitu i sisifo o Kerenise, o lea taimi e 11 itula e tuai ai i le taimi Kerenise.

3. Fetuunaiga o taimi i le ao-(1) E mafai e Le Ao o le Malo, i le faia i luga o le fautuaga a le Kapeneta, e ala i se Poloaiiga ona:

- (a) faaalua manino so o se vaiataimi o aso sosoo e avea o se vaiataimi o le fetuunaiga o taimi i le ao; ma
- (b) mo le faamoemoe o le faafuaiupu (2), ia faamaoti se aofaiga o itula, po o vaega o se itula, e oo atu i le lua (2) itula; ma
- (c) i le noatia ma le fai fuafua i le faafuaiupu (3), ia faamaoti mai le aso ma le taimi lea e amata ma faaiu ai le vaiataimi o le fetuunaiga o taimi i le ao.

(2) I le faagasolo ai o le vaiataimi o le fetuunaiga o taimi i le ao, e tatau ona tuu i luma atu o le taimi aloaia ua masani ai e ala i le aofaiga o itula, po o vaega o se itula, le taimi mo faamoemoeaga lautele i totonu o Samoa e pei ona faamaoti mai i le Poloaiiga.

(3) O se vaiataimi o le fetuunaiga o taimi i le ao ua faaalua manino i lalo o le faafuaiupu (1)(c) e tatau ona amata ma faaiuina i se taimi ua faamaotiina lea e i le va o le vaeluaga o le po o se Aso Toonai ma le 6 i le taeao o se Aso Sa.

(4) O se Poloaiiga i lalo o le faafuaiupu (1) e mafai ona faalēaogāina pe fetuunai pe suia i se isi Poloaiiga ma a o tumau pea le faamamaluina e tatau ona aloaia e tusa ai o le vaiataimi o le fetuunaiga o taimi i le ao e pei ona faamaoti mai i le Poloaiiga po o e pei ona fetuunai ai.

4. Aafiaga i totogi ma alauni-(1) Afai, i se mafuaaga tatau o le amataina o se vaiataimi o le fetuunaiga o taimi i le ao i se aso ua faamaoti mai i totonu o se Poloaiiga ua faia i lalo o le fuaiupu 3(1), o itula galue o se tagata i lena aso e itiiti ifo na i lo itula sa ono mafai ona galue ai le tagata, o le totogi ma alauni o lena tagata mo ia itula e ao ona tutusa le aofaiga ma le aofaiga o le totogi ma alauni mo itula sa ono mafai ona galue ai le tagata.

(2) Afai, i se mafuaaga tatau o le a muta ai le vaitaimi o le fetuunaiga o taimi i le ao i se aso ua faamaoti mai i totonu o se Poloaiga ua faia i lalo o le fuaiupu 3(1), o itula sa galue ai se tagata i lea aso ua sili atu na i lo itula sa ono galue ai lea tagata, o todogi ma alauni o lea tagata mo itula ua sili atu e ao ona faatatauina ma todogiina i le fua faatatau talafeagai mo le galuega sa faatinoina.

5. Mea e lē aofia ai – O lenei Tulafono e lē tatau ona faaaogāina i so o se mataupu e faasino i suesuega o le vanimonimo, suesuega o le tau po o faamoemoega tau faatautaiga, e aofia ai so o se pepa aloaia ua taua ai po o e faasino i se taimi e fesootai ai ma suesuega o le vanimonimo, suesuega o le tau po o faatautaiga.

6. E lē noatia le Malo - E lē tatau ona noatia le Malo i se mafuaaga o so o se aiaiga o lenei Tulafono mo so o se mea ua faaleagaina, o manuaga po o mea ua leiloa, ia e mafai ona mafatia ai so o se tagata e mafua mai ona o se vaitaimi o le fetuunaiga o taimi i le ao po o ua mafua mai i so o se isi mataupu e faasino i le suiga o le taimi e tusa ai o lenei Tulafono.

O le Tulafono o le Fetuunaiga o Taimi i le Ao 2009 o lo o faafoeina e le Matagaluega o Pisinisi, Alamanuia ma Leipa.

**Lolomiina e le Failautusi o le Fono Aoao Faitulafono,
i le pule a le Fono Aoao Faitulafono.**